

ՀԱՂՈՐԴՈՒՄՆԵՐ

Վ. Հարությունյան

7-րդ դարի աշխարհիկ ճարտարապետության սի նոր շոխարհը

Մինչև 19-րդ դարի վերջը Հայաստանի վաղ շրջանին պատկանող աշխարհիկ ճարտարապետության ոչ մի հուշարձան հայտնի չէր: Այդ մասին մեր պատկերացումները սահմանափակվում էին պատմական աղբյուրներում պահպանված հսկիւրճ վկայութիւններով: 20-րդ դարի առաջին կեսի ընթացքում հնագիտութիւնը հարստացավ նման երեք կարևոր հուշարձանների հայտնաբերմամբ: Դրանցից առաջինը՝ Ներսէս 3-րդ կաթողիկոսի (Տայեցու) պալատական կոմպլեքսն է, որը բացվել է Հայաստանում սովետական կարգերի հաստատումից առաջ: Զվարթնոցի պեղումների ժամանակ, իսկ մյուս երկու հուշարձանները՝ Դվինի կաթողիկոսարանը և Արուճի պալատը բացվել են Սովետական իշխանության տարիներին: Դվինի կաթողիկոսարանը բացվել է 1937 թվականին և դիտական գրականութիւն մեջ արդեն հանրահայտ է: Նրա ուսումնասիրութիւնը գրաւվել են մի շարք մասնագետներ:

Արուճի պալատի մնացորդները բացվել են միայն վերջերս:

Հոգևոր և աշխարհիկ ֆեոդալներին պատկանող այս շէնքերի մնացորդների ուսումնասիրութիւնը ցույց է տալիս, թե որքան իրավացի էր Թ. Թորամանյանը, երբ, հենվելով նրանց մասին եղած պատմական աղբյուրների վրա՝ գրում էր. «Այսպես պերճորեն պենագարդվել և բնութիւն առատ պարզւորեն օգտվելով կյանքը վայելել գիտցող իշխող դասն անպայման պետք էր որ ունենար թե ներքինով և թե արտաքինով շքեղաշուք ապարաններ, համապատասխան իր տարազին և ապրելակերպին»:

Չնայած նույն ժամանակաշրջանին պատկանող ժողովրդական բնակարանների մնացորդներ չեն պահպանվել և ուսումնասիրվել, բայց նկատի ունենալով Անիում, Դվինում և այլ բնակավայրերում հայտարարված մի քանի հուշարձանների ճարտարապետական ձևերը, դժվար չէ տեսնել այն խոշոր տարբերութիւնը, խոր հակադրութիւնը, որ գոյութիւն ունէր մի կողմից ֆեոդալական վերնախավին և, մյուս կողմից, ժողովրդական լայն զանգվածներին պատկանող բնակարանների ճարտարապետութիւն միջև: Սոցիալական անհավասարութիւնը հիման վրա գոյութիւն ունեցող այդ հակասութիւնը, որն ընդհանրապես բնորոշ է անտապոնիստական հասարակութիւնը ճարտարապետութիւն համար, իր

1) Մինչև այժմ հրատարակված աշխատութիւններում Դվինի կաթողիկոսարանին անդրադարձել են ներքոհիշյալ հեղինակները:

ա) Բ. Առաքելյան և Վ. Հարությունյան, Նյութեր Դվին քաղաքի պեղումներից, «Սովետական արվեստ», № 4, 1940:

բ) Н. М. Токарский, Архитектура древней Армении, Երևան, 1946, էջ 43—47:

գ) В. М. Арутюнян, Архитектурные памятники Двина, «Известия» АН Арм. ССР (серия общ. наук), № 8, 1947:

դ) В. Арутюнян, Архитектура патриаршего дворца в Двине, Труды Ерев. Политехн. ин-та им. К. Маркса, 1947:

ե) Վ. Հարությունյան, Դվինի 5—7-րդ դարերի ճարտարապետական հուշարձանները, Երևան, 1950, էջ 56—80:

զ) Կ. Ղաֆաղյան, Դվին քաղաքը և նրա պեղումները, Երևան, 1952, էջ 111—112:

է) Թ. Թորամանյան, Նյութեր հայ ճարտարապետութիւն պատմութիւն, հատ. 1-ին, Երևան, 1942, էջ 353:

կնիքն է գրել նաև Ֆեոդալական Հայաստանի բնակարանային ճարտարապետության վրա: Մի կողմում մենք տեսնում ենք աշխարհիկ և հոգևոր ֆեոդալներին պատկանող շքեղ և մոնումենտալ պալատական կառուցվածքներ, մյուս կողմում՝ աշխատավորությանը պատկանող բնակարանների պարզ և անսպաճույճ օրինակներ:

Անկախ այդ հանդամանքից, ինչպես ցույց են տալիս բացված հուշարձանների ուսումնասիրությունները, ժողովրդական բնակարանների ոացիոնալ և խորապես իմաստավորված ճարտարապետական-շինարարական որոշ տրագիցիաներ ոչ միայն սնել են կուլտային շենքերի ճարտարապետությունը, այլև աշխարհիկ ու հոգևոր ֆեոդալներին պատկանող բնակարանային շենքերի ճարտարապետությունը:

Ծիշտ է մինչև այժմ հայտարեբերված աշխարհիկ ճարտարապետության հուշարձանների ոչ քանակը և ոչ նամանավանդ վիճակը հնարավորություն չեն տալիս դիտական լայն ընդհանրացումներ կատարել, բայց յուրաքանչյուր նոր հուշարձան ռեալ պայմաններ է ստեղծում, կոնկրետ նյութ մատակարարում այդպիսի ընդհանրացումների համար:

Արուճի պալատական կառուցվածքները, որոնց մնացորդները հայտարեբերվել են վերջին տարիների ընթացքում, մեր կարծիքով, կարևոր նշանակություն ունեն հայ ճարտարապետության պատմության դեռևս անբավարար չափով ուսումնասիրված որոշ հարցերի լուսաբանման համար:

Դանի որ Արուճի պալատի պեղումները ավարտված չեն, ներկա հաղորդման մեջ հնարավոր է տալ միայն բացված հուշարձանների համառոտ բնութագիրը և անել մի քանի նախնական եզրակացություններ դրանց մասին:

Պատմական Արուճ գյուղում (ներկայումս Թալիշ, Աշտարակի շրջան)¹ 7-րդ դարի երկրորդ կեսում իշխան Գրիգոր Մամիկոնյանի կողմից կառուցված եկեղեցու և պալատի մասին մենք ունենք մատենագրական ստույգ վկայություններ:

Ղևոնդ վարդապետը, որը պատմականորեն ավելի մոտ է եղել իշխան Գրիգոր Մամիկոնյանի ժամանակաշրջանին, առաջին պատմիչն է, որ խոսում է Արուճի տաճարի կառուցման մասին, սակայն, դժբախտաբար ոչինչ չի հայտնում պալատի կառուցման մասին: Վերջին Գրիգոր իշխանն հայոց, — պատմում է նա — յաւուրս իւրոյ իշխանութեանն խաղաղացոյց աշխարյս:

Հայոց ամենայն հինից և հարձակմանց... «Եւ շինեաց նա տունն աղօթից գաւառն Արաղածոտին ի յաւանն Արուճ, տաճար փառաց անուան տեառն դեղեցիկ վայելչութեամբ, զարդարեալ ի յիշատակ անուան իւրոյ»:

Հովհաննես կաթողիկոս Գրասխանակերտցին խոսելով 7-րդ դարի 60-ական թվականների անցքերի մասին գրում է. «Զայսու ժամանակաւ բարեպաշտ իշխանն Գրիգոր Մամիկոնեան աստուածային այցելութեամբ հիմնադրեալ զչքնադադեղ եկեղեցին, որ ի դաստակերտին Արուճ՝ շինէ զնա ստիպով, երկնային իմն ճեմարան յարդարեալ ի վերայ երկրի: Եւ ի հարաւոյ կողմանէ զնէ զարքունիս իւր յեղր քարածայռ ձորակին, յորում բղխէ ականակիտ աղբիւր պղպջակեալ ընդ քարածերպս վիմարդ քարանցն, որ դեղերս ունի իրրև զպսակ պատուարի: Եւ ապա հաստահեղոյս քարամբ և կրով պարսպեալ կարգե տուն բնակութեան իւրոյ»:

Ինչպես երևում է վերոհիշյալ մեջբերումից՝ պատմիչը վկայում է ոչ միայն իշխան Գրիգոր Մամիկոնյանի կողմից Արուճում պալատական շինությունների կառուցելու մասին, այլև հայտնում է, որ այն կառուցված է եղել «ի հարաւոյ կողմանէ» (տաճարի), «յեղր քարածայռ ձորակին, յորում բղխէ ականակիտ աղբիւր...»:

Գրասխանակերտցու այս վկայությունը Արուճի պալատի տեղագրության վերաբերյալ, ինչպես հետո կտեսնենք, միանգամայն ճշտվում է պեղումների հետևանքով բացված հուշարձանների շնորհիվ:

Ամենայն հավանականությամբ, Գրասխանակերտցին Արուճի տաճարի ու պալատի կառուցման մասին իր տեղեկությունները հաղորդում է ոչ միայն Ղևոնդ վարդապետի վկայության վրա հենվելով, այլ որպես ականատես:

Ուշագրավ է, որ Գրասխանակերտցին Արուճի պալատական կոմպլեքսը համարում է արքունիք («Եւ ի հարաւոյ կողմանէ զնէ զարքունիս իւր»): Արդյոք այս դեպքում նա նկատի ունի իշխան Գրիգոր Մամիկոնյանի Հայաստանի կառավարիչ լինելու հանդամանքը:

¹ «Պատմութիւն Ղևոնդայ մեծի վարդապետի Հայոց», Թիֆլիս, 1912, էջ 90—91:

² Հովհաննես կաթողիկոս Գրասխանակերտցի, «Պատմութիւն հայոց», Թիֆլիս, 1912, էջ 90—91:

թե պալատական կառուցվածքների շքեղությունը: Դատելով այդ կառուցվածքների վերջերս բացված մնացորդներից, պետք է ենթադրել, որ պատմիչը դժվար թե սխալված լիներ, եթե Նույնիսկ նկատի ունենար վերջին հանգամանքը: Թերևս դրանով պիտի բացատրել, որ իշխան Գրիգոր Մամիկոնյանը իր ապարանքում ընդունում էր պետական կարևոր հյուրեր: Ինչպես վկայում է Սոփսես Կաղանկատվեցին, Աղվանից աշխարհի թագավոր Ջիվանշիրը դալով Հայաստան՝ ընդունվում է Հայաստանի կառավարչի կողմից Արուճ զյուղաքաղաքում:

* * *

Պատմիչների մոտ եղած այս ժխտ վկայությունները մի կողմից, և Արուճի պալատի նշմարվող ավերակները մյուս կողմից՝ վաղուց ի վեր գրավել էին հետազոտողների ուշադրությունը՝ նրանց մեջ առաջացնելով այդ վայրերը պեղելու բուռն ցանկություն: «Որչափ հետաքրքրական կլիներ,—գրում է Թ. Թորամանյանը իր հոդվածներից մեկում,— Թալիշում Գրիգոր Մամիկոնյանի ապարանքը պեղել և տեսնել ներքին բաժանումները, որոնց մեջ կդնվեր անպայման մի հյուրամեծարարության տաճար»:

Ջարմանք են պատճառում հայ ճարտարապետության բազմապատակ հետազոտողի դիտական համարձակ կուսակցությունը:

Թ. Թորամանյանը, անդրադառնալով այդ հուշարձանին, գրում է. «...Դեռ այսօր ակնատեսին պատկառանք կազդեն Գրիգոր Մամիկոնյանի ապարանքի մնացորդներն իրենց հսկայական տարածությունով և մեծազանգված սրբատաշ քարերից շինված հաստահողույս պատերով: Արևելյան և հարավային պատերը կերևին դեռ մեկ և կեսն են կույտ մետր բարձրությամբ, մեջտեղը փլատակներու բեկորներով բլուրացած է ով գիտե քանի դարերի ի վեր: Անպայման այդ բլուրին տակ պահված կլինեն շատ լուսաբանություններ հողուտ հայ պատմության և գեղարվեստի, սակայն դժբախտաբար, դուրկ է մնացած մինչև այսօր գիտնականի բաժնի բրիչի փրկարար ազդեցություններ: Պատերու շինության համար գործածված քարերու մեծությունը և որմնադրական արհեստի ծայրահեղորեն խնամատ արտադրությունը գրավական է ինքնին շենքի ամբողջության, ճարտարապետական ու գեղարվեստական մի մեծ կոթող լինելուն 7-րդ դարուն մեջ»:

Մի այլ առիթով Թ. Թորամանյանը գրում է.

«Այս ապարանքի մնացորդ պատերը, որք եկեղեցու նման սրբատաշ մեծ քարերով են շինված, ցույց կուտան թե որչափ շքեղ էր ամբողջ շենքը»:

Արուճի պալատի ավերակներին ուշադրություն են դարձրել նաև ուրիշ հետազոտողներ, որոնց վրա կանդ շենք առնում:

* * *

Դեռևս Հայրենական Մեծ պատերազմի տարիներին ձեռնարկելով Արուճի տաճարի ուսումնասիրությանը, 1946 թվականին առիթ ունեցանք հրատարակելու մի աշխատություն՝ նրա թվագրման հարցի մասին¹:

1947 թվականի հունիս ամսին, Պատմական Հուշարձանների Պահպանության կոմիտեի և Հայաստանի Սովետական Ճարտարապետների Միության նախաձեռնությամբ Արուճում կազմակերպվեց միօրյա աշխատանք՝ տաճարից դեպի հարավ-արևելք, ձորակի եզրին գտնվող ավերակների շրջանում: Սրանով հիմք դրվեց այս կարևոր հուշարձանի պեղումներին:

Նույն թվականից ձեռնարկվեց ավերակները շինարարական աղբից մաքրելու աշխատանքները: 1950 և 1951 թվականների ընթացքում ամբողջովին մաքրվեց այսպես կոչ-


¹ «Մոփսեսի Կաղանկատուացւոյ պատմութիւն Աղուանից աշխարհի», Թիֆլիս, 1912, էջ 224:

² Թ. Թորամանյան, Նյութեր..., հատ. 1-ին, էջ 237:

³ Նույն տեղում, էջ 121:

⁴ В. М. Арутюнян, По поводу датировки храма в Аруч, Ереван, 1946.

⁵ Մաքրման աշխատանքները կատարվել են Պատմական Հուշարձանների Պահպանության կոմիտեի միջոցներով, կոմիտեի գիտական քարտուղար, պատմական գիտությունների թեկնածու Հ. Եղիազարյանի ղեկավարությամբ: Մաքրման աշխատանքներին մասնակցել ենք նաև մենք, անմիջականորեն զբաղվելով բացված հուշարձանների չափազիտությամբ, լուսանկարմամբ և ուսումնասիրմամբ: Չափազրական աշխատանքների ընթացքում մեզ օգնել է տեխնիկ Հ. Գասպարյանը, իսկ լուսանկարչական աշխատանքներում՝ լուսանկարիչ Ա. Շահինյանը:

1951-52 MS

ված՝ առաջին դահլիճը (տես՝ գլխավոր հատակագիծը), իսկ 1952 թվականի աշնանը մաքրվեցին այդ դահլիճի արևելյան և հյուսիսային պատերի արտաքին կողմերը:

Առաջին դահլիճի մաքրմանը զուգընթաց, դեռևս 1951 թվականի աշնանը, նույնպիսի աշխատանքներ ձեռնարկվեցին տաճարից հարավ գտնվող տեղամասում: Տաճարից ընդամենը 15 մետր հեռավորություն վրա և նրան զուգահեռ, մոտ 25 մետր երկարությամբ բացվեց սալահատակի մի նեղ շերտ՝ վրան խարխիսների բեկորներ և ամբողջական խարխիսներ: Նույն այս տեղամասում, 1951 թվականին դետնի երեսին գտնվող և Դվինի կաթողիկոսարանի խոյակի տիպին պատկանող խոյակից դեպի արևելք՝ 5—6 մետր հեռավորության վրա բացվեց նույն տիպի մի այլ, ավելի մեծ խոյակ: Նախորդ խոյակի կողքին այս նոր խոյակի հայտարարումը, ինչպես և այն հանգամանքը, որ դրանք չէին կարող պատկանել մեր բացած առաջին դահլիճին՝ անհրաժեշտ դարձրին շարունակել մաքրման աշխատանքներն այս տեղամասում, հայտաբերելու համար այն շենքի մնացորդները, որին պատկանում էին գտնված խոյակները: 1952 թվականի աշխատանքների ընթացքում պարզվեց, որ այդ շենքը գտնվում է նախորդ տարում բացած «սրահի» հարավային կողմում և իրենից ներկայացնում է մի այլ աշխարհիկ շենք՝ ընդարձակ սյունազարդ դահլիճով՝ հար և նման 'Իլինի կաթողիկոսարանի սյունազարդ դահլիճին, իսկ սրահը կազմում է այդ շենքի մասը և գտնվում է նրա հյուսիսային կողմում:

Տարակույս չի կարող լինել, որ տաճարից հարավ և հարավ-արևելք ընկած ողջ տեղամասի սխտեմատիկ մաքրումը հնարավորություն կտա ամբողջացնելու այս կոմպլեքսի հատակագիծը, նոր ու հետաքրքիր նյութեր կընձեռնի աշխարհիկ ճարտարապետության այս ուշագրավ հուշարձանի վերաբերյալ:

Պարզարանման կարիք ունի այն հարցը, թե այսպես կոչված առաջին և սյունազարդ դահլիճները պատկանում են արդյոք միևնույն պալատական կոմպլեքսին, թե՞ դրանք ներկայացնում են առանձին շենքերի մնացորդներ:

Ա. ԱՌԱՋԻՆ ԴԱՀԼԻՃԸ

1950—1952 թթ. ընթացքում տաճարից 45—50 մ հեռավորության վրա, դեպի հարավ-արևելք, ձորակի եզրից փոքր ինչ հետ, բացված քաղաքացիական շենքը պայմանականորեն կոչվեց առաջին դահլիճ: Ձորակում, ոչ մեծ ժայռերի ստորոտից դեռ հիմա էլ դրանք ամիսներին բխում է մի աղբյուր, որի ջրերը, սակայն, ցամաքում են ամռան և աշնան ամիսներին: Այս շենքի տեղադրությունը միանգամայն համապատասխանում է իշխան Գրիգոր Մամիկոնյանի պալատի այն տեղադրությանը, որ հիշատակում է 'Իրասխանակերտցին: Սրա պատերի վերին մասերը նախքան մաքրվելը երևում էին հողաբլրի տակից: Դրանց վրա է, որ ժամանակին ուղադրություն էր դարձրել նաև Թ. Թորամանյանը:

Բացված շենքը ներկայացնում է մի ընդարձակ դահլիճ՝ ներքուստ $18,7 \times 10,7$ մ մեծությամբ ձգված արևմուտքից արևելք: Պատերը, որոնք պահպանվել են ամբողջ պարագծով՝ $2,5—3,0$ մ բարձրությամբ, շարված են տեղական դարչնա-նարնջագույն տուֆով, կրաշաղախով: Պատերի ներսի և դրսի երեսները շարվածքով տարբերվում են միմյանցից: 'Իրսի կողմից օդատաղործված են մեծ չափերի սրբատաշ քարեր. արևմտյան պատի մեջ, դռան ձախ կողմում դրված է մի քար՝ $3,4 \times 0,7$ մ մեծությամբ, իսկ հյուսիսային պատի մեջ, հյուսիսային դռան աջ կողմը՝ կա մի ուրիշ քար $3,5 \times 0,7$ մ մեծությամբ: Դահլիճի պատերը ներսի կողմից շարված են անհամեմատ ավելի փոքր չափի, կոպիտ տաշված քարերով: Այս հանգամանքը, ինչպես և քարերի երեսին պահպանված ծեփի մնացորդները, կարծել են տալիս, որ դահլիճի պատերը ներսի կողմից ծեփված են եղել: Ամբողջ շենքը, ինչպես և եկեղեցին դրված է երկաստիճան դետնախարխիսի վրա:

Դահլիճը՝ ներսում դրված երկու շարք մույթների միջոցով (յուրաքանչյուր շարքում երկուական մույթ) բաժանվում է երեք նավի: Կողքի նավերի լայնությունը կազմում է $2,00$ մ, իսկ միջին նավինը՝ $5,00$ մ: Մույթերը հատակադժում խաչաձև են, $0,77$ մ, լայնության թևերով: Սրանց համապատասխան՝ հանդիպակաց պատերին կան որմնամույթեր: Թե՛ մույթերը և թե՛ որմնամույթերն ունեն խարխիսներ: Գտնվել են նաև իմպոստների բազմաթիվ բեկորներ, որոնցով պսակվում էին մույթերը կամարների տակին: Մույթերը դասավորված են այնպես, որ արևմտյան կողմից սկսված՝ առաջին և երկրորդ թռիչքները համարյա թե հավասար են, բացառություն է կազմում միայն արևելյան կողմի թռիչքը, որը համեմատաբար ավելի փոքր է մյուսներից: Մույթերի դասավորությունն

այնպես է, որ նրանք քառակուսիներ չեն կազմում, հետևապես զմբեթային ծածկի մասին խոսք լինել չի կարող. մաքրման աշխատանքների ընթացքում զմբեթին պատկանող քարեր չեն էլ գտնվել: Դահլիճի մաքրման ժամանակ գտնվել են կամարներին և թաղերին պատկանող (երկու չափի շուռավիղներով) բազմաթիվ քարեր:

Դահլիճն ունի երեք դուռ. նրանցից մեկը, որ բավականաչափ լայն է (2,11 մ)¹, բացվում է արևմտյան կողմում, բայց նրա առանցքը չի համընկնում դահլիճի երկայնական առանցքին: Մյուս դուռը, 1,32 մ լայնությամբ, բացված է հյուսիսային պատում: Ինչպես այս, նույնպես և արևմտյան դռները հետազայում կիսով չափ շարված են եղել՝ թերևս պատուհանի վերածելու նպատակով: Երբորդ դուռը գտնվում է արևելյան կողմում, միջին նավի առանցքի վրա: Նրա ճիշտ լայնությունը հնարավոր չէ որոշել՝ այս մասում կատարված վերակառուցումների պատճառով:

Ամբողջ հատակը սալահատակված է տուֆ քարով, ըստ որում նախնական սալահատակի վրա հետագայում ծածկել են երկրորդը: Այդ պատճառով մույթների և որմնամույթների խարխիսները կիսով չափ ծածկվել են նոր սալահատակով:

Դահլիճը, որի հատակագծի կոմպոզիցիան բաղիլիկային է, դուցե մի պահ ենթադրել տա, որ նա եկեղեցի է եղել: Նույնիսկ հյուսիսային պատի վրա դրսից (հյուսիս-արևմտյան անկյան մոտ) փորադրված են շրջագծի մեջ ամփոփված հավասարաթև երկու խաչ: (Սրանց մոտ կա նաև մի փոքր արձանագրություն, որը խիստ եղծված լինելու պատճառով դեռ չի հաջողվել վերծանել): Սակայն բավական է մանրադնին ծանոթանալ հուշարձանին, որպեսզի փարատվեն այդ կասկածները: Դահլիճի արևելյան կողմում, դրսի կողմից պատը պահպանվել է այնպես, որ խորանների կամ բեմի մասին որևէ խոսք լինել չի կարող: Կնշանակե արևելյան պատը սկզբից կառուցվել է այդպես, ինչպես պահպանվել է, և ոչ մի վերակառուցման չի ենթարկվել: Ավելի ուշ ժամանակ նրան՝ դրսի կողմից կցել են նոր պատեր և անկյուններում՝ բուրգեր: Բացի այդ՝ սլիտի նշել նաև այն, որ վաղ-բրիստոնեական շրջանի հայկական բոլոր եռանավ բաղիլիկ եկեղեցիներում (բացառությամբ Տեկորի վերակառուցված տաճարից) մենք չունենք ոչ մի օրինակ, որ եկեղեցին ունենա երկու դուռ մույթ: Որպես կանոն՝ եղել է երեք դուռ, իսկ Եզրարդի բաղիլիկ եկեղեցում եղել է չորս դուռ:


Այսպիսով, բոլոր տվյալները խոսում են հօգուտ այն բանի, որ այս դահլիճը իրոք եղել է քաղաքացիական մի շենքի մասը և չի ծառայել կրոնական նպատակների: Եղել են դահլիճի արևելյան կողմում այլ սենյակներ, դժվար է ասել, որովհետև այնտեղ ոչինչ չի պահպանվել: Եթե հավատալու լինենք Թալիշ գյուղի տարիքավոր բնակիչներին՝ ապա մինչև մեր դարի սկզբները այս մասում եղել են պատերի մնացորդներ, որոնք այժմ չեն պահպանվել:

Տարակույս չկա, որ այս դահլիճը պատկանում է իշխան Դրիդոր Մամիկոնյանի պալատական կոմպլեքսին և ծառայել է ընդունելություն կամ ունկնդրության նպատակների համար:

Առաջին դահլիճի նախնական ձևերի վերակազմությունը առանձին դժվարություն չի ներկայացնում: Հատակագծային կոմպոզիցիան, մույթների դասավորությունն ու չափերը, ինչպես և ծածկին պատկանող տեղում գտնված բազմաթիվ քարերը, առանց վերապահության հաստատում են, որ դահլիճի թե՛ միջի և թե՛ կողքի նեֆերը ծածկված են եղել թաղերով: Մույթերն ու որմնամույթները միացված էին միմյանց կամարներով, որոնք դահլիճի ծածկի թաղային կոնստրուկցիայում թաղակիր կամարների դեր են կատարել: Կտուրը երկլանջ է, լանջերը դեպի հարավ և հյուսիս: Այսպիսով, շենքն ամբողջությամբ բաղիլիկատիպ է:

Պեղումները ցույց տվին, որ ավելի ուշ ժամանակներում, երբ հավանականաբար գտնվում էր կիսավեր վիճակում՝ այն հարմարեցվել է պաշտպանական նպատակների համար: Հարավային և արևելյան պատերը դրսի կողմից ամրացվել են լրացուցիչ պատերով, իսկ հյուսիս-արևելյան և հարավ-արևմտյան անկյուններում կառուցվել են կլոր և բազմանիստ բուրգեր, տալով շենքին ամրոցի կերպարանք: Հետագայում արված այս հավելումները, որ կատարված են նույն քարով և կրաշաղախով, շարվածքի բնույթով միանգամայն տարբերվում են հին պատերից: Հավելված պատերի քարերն ավելի փոքր չափեր ունեն և տաշված են կոպիտ կերպով: Բացի այդ՝ դահլիճի արևելյան դռան բացվածքը շար-

¹ Այդ մասին պատմեց Թալիշ գյուղի բնակիչ Դևորգ Մարտիրոսյանը (67 տարեկան):



Նկ. 2. Արուճ. Մեծ շահիճի հյուսիսային կողմի սրահի մնացորդները:
(1951 թ. հոկտեմբեր, ֆոտո չարուքյունյանի)

ված-նեղացված է: Նրան հարմարեցված է եղել բազալտից կոփած մի ղուռ, որը կրունկների վրա պտտվում էր բացվելիս: Կրունկների համար պատրաստված բազալտե փոքրերը նույնպես գտնվել են տեղում:

Աշխարհիկ շենքն ամրոցի վերածողները հոգ են տարել նրա ոչ միայն ամրության, այլև ջրամատակարարման մասին: Այդ նպատակի համար ղեպի ղահլիճն է բերվել ստորերկրյա մի առու, որի ջուրը ներս էր հոսում հյուսիսային դռան տակով և ապա հյուսիսային սլափի երկարությամբ ներսից անցնելով մի առվով՝ լցվում էր ղահլիճի հյուսիս-արևելյան անկյունում պատրաստված ավազանի մեջ, իսկ այնտեղից, արևելյան պատում եղած անցքի միջով՝ հոսում ղեպի ղուռս (հավանաբար նույնպես ստորերկրյա առվի միջոցով): Ավազանի պատերը մեծ խնամքով ծեփված են կրաշաղախով, իսկ ծածկը պատրաստված է կեղծ թաղի ձևով՝ հանդիպակաց երկու կողմերից թեք կերպով միմյանց հեռած քարե մեծ սալերի միջոցով:

Մաքրման աշխատանքների ընթացքում ղահլիճի մեջ, հարավ-արևելյան անկյունում, հատակին մոտ շերտերում հայտարբերվեցին մոխիր և երկաթի խարամ: Այս հանդամանքը ենթադրել է տալիս, որ ավելի ուշ ժամանակներում այստեղ եղել է արհեստանոց, հավանաբար դարբնոց:

Գտնվել են նաև ջնարակած կավի ամանեղենի մնացորդներ, ապակյա ապարանջանի և ապակու բեկորներ:

Մույթերից մի բանիսի անկյուններում, քարի մեջ արված են անցքեր, թերևս անասուններ կուսելու համար:

Հյուսիս-արևելյան բուրդից ոչ հեռու բացվել է կոթողի կամ խաչքարի պատվանդանի բառակուսի, եռաստիճան մի ստիլորատ, իսկ նրանից մի քանի մետր հեռավորության վրա բացվել են միանեֆ, փոքր բազիլիկ եկեղեցու մնացորդներ: Ենթադրվում է, որ այս երկու հուշարձաններն էլ ժամանակակից են առաջին ղահլիճին:

Բ. ԱՇԽԱՐՀԻԿ ՇԵՆՔ ՍՅՈՒՆԱԶԱՐԴ ԴԱՆԼԻՃՈՎ

Ինչպես արդեն նշվեց, 1951 թ. պեղումների ժամանակ Արուճի տաճարի հարավային կողմում, տաճարից 15 մետր հեռավորության վրա, ղեպի երեսից մոտավորապես 1,0—1,2 մ խորությամբ բացվեց 1,05 մ լայնությու և 25,0 մ երկարությու ունեցող տուֆով սալահատակված մի հարթութուն՝ վրան խարիսխներ և խարիսխների բեկորներ:

Խարիսխների ներքնասալերը (67×67—70×70 սմ չափերի) գտնվում են միմյանցից 1,93—1,95 մ հեռավորության վրա, այսինքն նրանց կենտրոնների հեռավորությունը կազմում էր 2,60—2,65 մ: Մեծ շենքի սյունաստանի այս մնացորդները ձգվում են արևմուտքից արևելք՝ զուգահեռ տաճարին: Սրանք իր ճակատով ուղղված է ղեպի տաճարը, ուրեմն՝ ղեպի հյուսիս: Պետք է ենթադրել, որ այս կողմնորոշումն ամրոցը զին թելադրվել է եկեղեցու տեղադրությամբ:

Սրահի ճակատն արևելյան կողմից սկսվում է 2,5 մ երկարությամբ հոծ պատով, որից հետո, նույն պատի առանցքով, սալահատակի վրա ղեպի արևմուտք դասավորված են խարիսխները՝ թվով հինգ հատ: 1952 թ. աշխատանքների ժամանակ պարզվեց, որ խարիսխների թիվը եղել է ոչ թե հինգ, այլ ինը: Մնացած չորս խարիսխների բառակուսի ներքնասալերի հետքերը անձրևից հետո պարզորոշ կերպով երևացին սալահատակի վրա:

Պիտի ենթադրել, որ սյուները (որոնց բնի քարերն ու խոյակները ղեռ չեն գտնված) միացված են եղել կամարներով, այսինքն սրահի հյուսիսային ճակատը ներկայացրել են մի կամարաշար:

Խարիսխների ընդհանուր բարձրությունը կազմում է 43 սմ, որից 10 սմ ներքնասալի բարձրությունը, իսկ 27 սմ գլանինը: Գլանի վերին հարթության տրամագիծը 58 սմ է, նրա վրա գծված է շրջագիծ 53 սմ տրամագիծով, որը, ամենայն հավանականությամբ, համապատասխանում էր սյան բնի տրամագծին:

Սրահի կամարաշարի նեղ սալահատակը արևմտյան կողմում բեկվում է ղեպի հարավ և ընդհատվում: Ըստ երևույթին կամարաշարն անցնում էր նաև սրահի արևմտյան կողմում, սակայն ներկա մնացորդներից դժվար է այդ որոշակի կերպով պնդել: Սրահի արևելյան կողմը ներկայացնում էր 72 սմ հաստությամբ հոծ պատ, որի ստորին մասը 60—70 սմ բարձրությամբ պահպանվել է: Պատը շարված է սրբատաշ տուֆով, կրաշաղա-

խոփ: Նա շարունակվում է ղեկի հարավ և ընդհատվում մոտավորապես նոր ղտնված մեծ խոյակի մոտ:

Քարիսխներից 4,75 մ հեռավորության վրա և նրանց ուղղությամբ զուգահեռ անցնում է մի երկայնական պատ: Պիտի ենթադրել, որ դա սրահի հետին պատն է: Սրահին անմիջապես կից, նրա հարավային կողմից բացվել է սենյակների շարք 5,15 մ թռիչքով: Սրանց բանակը դեռևս պարզ չէ, բանի որ այս մասը դեռևս լրիվ կերպով մաքրված չէ հողից:

Մեր ենթադրությունն այս մասում՝ սյունադարձ մեծ զահլիճի զոյություն մասին միանգամայն ճշտվեց: 1952 թ. պեղումների ժամանակ երկու մեծ խոյակների կողքին, հարավային կողմից, բացվեց մեկական խարիսխ: Որոնց տրամագծերը համապատասխանում են խոյակների ներքևի շրջագծի տրամագծին: Այս շարքի երրորդ խարիսխը բացվեց արևմտյան կողմում: Այսպիսով հաջողվեց բացել սյունադարձ զահլիճի հյուսիսային շարքի երեք խարիսխները, որոնք ղտնվում են միմյանցից 7,35 մ հեռավորության վրա (կենտրոնից-կենտրոն):

Նկատի ունենալով բացված խոյակների ու խարիսխների ձևերի, ինչպես և նրանց չափերի ու հեռավորությունը, շնչին բացառություններով, նմանությունը Դվինի կաթողիկոսարանի սյունադարձ զահլիճի խոյակների և խարիսխների ձևերին, չափերին ու հեռավորությանը, հարավային սյունաշարի խարիսխները ղտնելու համար անհրաժեշտ համարեցինք ղեկավարվել Դվինի կաթողիկոսարանի հատակագծի տվյալներով: Այդ նպատակի համար սյունադարձ զահլիճի հյուսիսային սյունաշարի յուրաքանչյուր խարիսխի կենտրոնից չափելով ղեկի հարավ 7,35 մ, հայտարարեցինք մեկական նույնատիպ խարիսխներ: Այսպիսով, հաջողվեց բացել այդ զահլիճի նաև հարավային սյունաշարի խարիսխները՝ յուրաքանչյուր շարքում երեք հատ:

Քանի որ նմանությունը Դվինի կաթողիկոսարանի սյունադարձ զահլիճին միանգամայն ակնհայտ էր՝ բնակչությանը Դվինի կաթողիկոսարանի օրինակով այստեղ ևս ջանացինք հայտարարել չորսական խարիսխ՝ յուրաքանչյուր շարքում: Դահլիճի արևմտյան կողմում խարիսխների չորրորդ զույգի որոնումն անիմաստ էր, քանի որ այստեղ արդեն բացվեցին զահլիճի արևմտյան լայնական պատի մնացորդները: Որոնումները կատարվեցին յուրաքանչյուր շարքի արևելյան ծայրերում, այն տեղերում, որտեղ համաձայն չափման, պիտի լինեին դրանք: 1952 թվականի աշխատանքների ընթացքում չհաջողվեց հայտարարել խարիսխների չորրորդ զույգը: Կարելի է ենթադրել, որ Արուճի սյունադարձ զահլիճն ունեցել է երեք զույգ սյուն: Սակայն կա մի հանգամանք, որ չսխտր է անտեսել: Եկեղեցու հարավ-արևելյան անկյունից ոչ հեռու ընկած է մի առանձին խարիսխ, որի չափերը (բացառությամբ բարձրության) և ձևը համընկնում են սյունադարձ զահլիճում բացված խարիսխների չափերին ու ձևին:

Ուշագիտ զննումը ցույց է տալիս, որ այս խարիսխն ընկած է 25 մ հեռավորության վրա այն տեղից, որտեղ նա պիտի ղտնվեր (նկատի ունենք հյուսիսային շարքի արևելյան ծայրը): Պետք է ենթադրել, որ հետադառնվել, երբ զահլիճն ավերված էր, այդ խարիսխը որևէ նպատակով ուղիղ գծով փոխադրել են ղեկի հյուսիս, տաճարի մոտ: Եթե այդ ենթադրությունը ճիշտ չէ, եթե սյունադարձ զահլիճում եղել են միայն երեք զույգ սյուններ, ապա թևում է կարծել, որ այդ խարիսխը պատկանում էր Արուճի պալատական կոմպլեքսի մի ուրիշ սյունադարձ զահլիճի, որը դեռևս չի բացված: Ապագա պեղումները միայն կարող են այս հարցը փրճականապես լուսարանել:

Այնուհետև, շարունակելով պեղումները սյունադարձ զահլիճի հարավային կողմում, 1952 թ. աշխատանքների վերջում հաջողվեց այս մասում բացել զահլիճի ամբողջ երկարությամբ ձգվող 3,9 մ թռիչք ունեցող սենյակների պատերի հիմքերը: Սենյակների բանակն այստեղ նույնպես հնարավոր չիղավ պարզել, որովհետև նրանց միջի հողը ղեռ չի հանվել: Դրանցից մեկի մեջ բացվում է մի զուգ սյունադարձ զահլիճից: զոան լայնությունը մի մետր է (Դվինի կաթողիկոսարանում նույն չափն է), հարավային սենյակների և սյունադարձ զահլիճի միջև եղած պատի հաստությունը նույնպես մեկ մետր է:

Այսպիսով, սրահին անմիջապես կից, նրա հարավային կողմում բացված աշխարհիկ շենքի հատակադիժը, ինչպես և հայտարարված ճարտարապետական մանրամասները թե՛ ընդհանուր կոմպոզիցիայով, թե՛ չափերով և թե՛ ձևերով սերտորեն առնչվում են Դվինի կաթողիկոսարանի հետ: Այդ բանը առանձնապես համոզիչ կերպով երևում է բոլոր բերված համեմատական աղյուսակից:

ՀԱՄԵՄԱՏԱԿԱՆ ԱՂՅՈՒՍԱԿ

ԴՎԻՆԻ կաթողիկոսարանի և Արուճի պալատի սյունադարդ դահլիճների չափերի (մետրերով)

	Դահլիճի չափերը	Դահլիճի չափերը	Սյունադարդի չափերը (մետրերով)	Սյունադարդի չափերը (մետրերով)	Սյունադարդի չափերը (մետրերով)	Սյունադարդի չափերը (մետրերով)	Սյունադարդի չափերը (մետրերով)	Սյունադարդի չափերը (մետրերով)	Սյունադարդի չափերը (մետրերով)	Սյունադարդի չափերը (մետրերով)	Սյունադարդի չափերը (մետրերով)	Սյունադարդի չափերը (մետրերով)	Սյունադարդի չափերը (մետրերով)	Սյունադարդի չափերը (մետրերով)
Դ Վ Ի Ն	26,7	11,4	7,30	7,25	2,10	2,00	0,995×0,995	0,978	0,78—0,80 վերինում	2,05	0,90	0,70	0,70	1,155
Ա Ր Ո Ւ Ճ	?	11,35	7,55	7,55	1,90	2,55	101×101 102×102	0,74	0,77—0,78 ներքինում	2,20	0,98	0,75	0,72	1,22

Ինչպես տեսնում ենք, նմանությունը միանգամայն ակնհայտ է, Դվինի կաթողիկոսարանի սյունազարդ զահլիճի որոշ չափսեր համարյա նույնությունում կրկնվում են Արուճի պալատի սյունազարդ զահլիճում, ուրիշ չափսեր կիրառված են չնչին տարբերությամբ: Տարակույս չկա, որ Դվինի կաթողիկոսարանի կառուցումից մոտ երկու հարյուր տարի անց, 7-րդ դարի երկրորդ կեսում, Արուճում համարյա նույնությամբ կրկնել են նրա կոմպոզիցիան, տեղադրելով, սակայն, այդ աշխարհիկ շենքը ոչ թե եկեղեցու հյուսիսային կողմում, ինչպես դա տեղի ունի Դվինում, այլ հարավային կողմում, հատկապես հարմարեցնելով շենքի կոմպոզիցիան (նկատի ունենք սրահը) եկեղեցուն:

Այս ավելի քան ուշադրավ երևույթը մտածել է տալիս, որ ֆեոդալական Հայաստանում տիպային լուծումներ գոյություն ունեին ոչ միայն եկեղեցական, այլև աշխարհիկ շենքերի համար: Եթե մինչև Արուճի պեղումները Դվինի կաթողիկոսարանն իր ուրույն կոմպոզիցիայով և մանրամասներով համարվում էր մի եզակի երևույթ ֆեոդալական Հայաստանի աշխարհիկ ճարտարապետության մեջ, ապա ներկայումս կարելի է պնդել, որ որոշակի տիպի աշխարհիկ շենքերն այդ ժամանակ տարածված են եղել:

Այժմ մի քանի խոսք սյունազարդ զահլիճի ճարտարապետական բեկորների՝ խոյակների ու խարխուլների մասին: Սրանք իրենց հետաքրքիր ձևերով անշուշտ արժանի են առանձին ուշադրության:

Խարխուլներ— ինչպես արդեն նշվեց, 1952 թ. պեղումների ժամանակ սյունազարդ զահլիճում հայտարարվեց վեց խարխուլ, 3-ական հատ յուրաքանչյուր շարքում, միմյանցից հավասար հեռավորությամբ (7,55 մ): Մի ուրիշ առանձին խարխուլ գտնվեց եկեղեցու հարավ-արևելյան անկյան մոտ:

Պարխուլները բաղկացած են երկու հիմնական մասից՝ քառակուսի ներքնասալից և նրա վրա դրված կլոր զլանից: Այդ երկու մասերը կերտված են մի ամբողջական բարից: Ներքնասալի կողմերի չափսերը տատանվում են 101×101 սմ— 102×102 սմ սահմաններում, իսկ նրանց բարձրությունը կազմում է 38—40 սմ, զլանները 35,5—36 սմ բարձրություն ունեն: Նրանց հարթ երեսների տրամագիծը կազմում է 87 սմ, որոնց վրա կարկինով դրված են շրջագծեր 81—82 սմ տրամագիծով: Պիտի ենթադրել, որ դրանք համապատասխանում են սյան բների ներքևի տրամագծերին: Ուշադրաբար այն է, որ խոյակների տակի շրջանաձև հարթությունները, որոնք անմիջապես նստում էին սյան բնի վրա, ունեն բնագծեր 77 սմ տրամագիծ, այդ նշանակում է, որ սյան բնի վերին տրամագիծը նվազում է 4—5 սմ չափով, այսինքն սյան բունն ունեցել է բարակացում: Այս դիտողությունը մենք անում ենք միայն վերահիշյալ տվյալների հիման վրա, քանի որ մինչև այժմ, ինչպես Դվինում, այնպես էլ Արուճում, չեն հայտարարվել սյուների բների բեկորներ:

Առանձին ընկած խարխուլն իր ձևերով հար և նման է մնացած վեցին, սակայն չափսերի մեջ կան տարբերություններ: Նրա քառակուսի ներքնասալի չափսերը (101×101 սմ) ամբողջովին համընկնում են մյուս խարխուլների չափսերին, սակայն բարձրությունը կազմում է ոչ թե 38 սմ, ինչպես մյուս խարխուլներում, այլ 43 սմ: Դլանի բարձրությունը կազմում է 40 սմ, այսինքն՝ 4 սմ-ով ավելի բարձր է, քան մյուս խարխուլների զլանները: Այսպիսով, խարխուլի ընդհանուր բարձրությունը կազմում է 83 սմ, մյուս խարխուլների 74 սմ բարձրության դիմաց, այսինքն՝ 11 սմ-ով ավելի բարձր է, քան մնացած վեց խարխուլները: Բացի այդ, ուշադրավ է նաև այն, որ այս խարխուլի զլանի վերին շրջանակի հարթության տրամագիծը 80 սմ է, այսինքն՝ 7 սմ-ով պակաս, քան մյուս խարխուլներին: Դրա հետ միասին, այդ հարթության կենտրոնում արված է 25 սմ խորությամբ և 22×22 սմ մակերեսով մի փորվածք, մի բան՝ որ չունեն մնացած վեց խարխուլները: Նկարագրած առանձնահատկությունները որոշ չափով դժվար են դարձնում այս խարխուլը վստահ կերպով նույն սյունազարդ զահլիճին վերագրել:

Խոյակներ—սյունազարդ զահլիճին պատկանող առայժմ երկու խոյակ է գտնված: Դրանցից առաջինը հայտնի էր դեռևս նախքան պեղումները, այն ընկած էր դլանի վրա, եկեղեցուց դեպի հարավ, 20—25 սմ հեռավորությամբ: Ծանոթ է եղել արդյո՞ր խորամանկանը այդ խոյակին, թե ոչ՝ դժվար է ասել, քանի որ ինքը դրա մասին ոչ մի հիշատակություն չունի: Ինչպես արդեն նշվեց, երկրորդ խոյակը գտնվեց 1951 թ. պեղում-

¹ Հրատարակված է՝ Թ. Թուրամյան, «Նյութերի» 1-ին հատորում և մեր Դվինի 5—7-րդ դարերի ճարտարապետական հուշարձանները աշխատությունում:



Նկ. 3. Արուհ. Սյունազարդ դահլիճի խարխուհների հարավային շարքը:

ների ժամանակ, առաջին խոյակից Թ—7 մետր ղեպի արևելք։ Նրանց ընդհանուր ծավալային ձևերը նման են, սակայն հարդարման մոտիվներով և չափսերով տարբերվում են միմյանցից։

Առաջին խոյակի չափսերն ավելի փոքր են, քան նոր բացված խոյակները։ Նրա երկարությունը կազմում է 1,80 մ, բարձրությունը՝ 0,98 մ և հաստությունը՝ 0,75 մ։ Այսպիսով, խոյակի ընդհանուր ծավալը կազմում է մոտ 1,3 խոր. մետր, կերպված է մի ամբողջական քարից։

Դվինի կաթողիկոսարանի սյունադարձ զահլիճի խոյակին նմանվող այս խոյակն ունի 1,80—0,75 մ չափի ուղղանկյուն վերնասալ (աբակ)։ Սրա տակին գտնվում են երկու խոյողներ, որոնց մեջտեղում բարձրանում և վերնասալին է հասնում սյան բունը։ Խոյողների տրամագիծը 60 սմ է, իսկ կենտրոնների միջև եղած հեռավորությունը՝ 1,08 մ։

Խոյակը մշակված է նույն սկզբունքով, ինչ Դվինի կաթողիկոսարանի խոյակը, այսինքն՝ քանդակադարձված է նրա միայն ճակատային՝ ղեպի զահլիճի միջին մասն ուղղված երեսը։ Կողքի երեսները մշակված են միայն ծավալներով և զուրկ են որևէ քանդակից, իսկ հետևի երեսը միանգամայն հարթ է։ Խոյակի վերնասալի ճակատային երեսը (1,87×0,18 մ չափի) մշակված է օրնամենտալ մի մոտիվով, որը կարելի է տեսնել թե՛ Արուճի տաճարի, և թե՛ 7-րդ դարի այլ հուշարձանների պատահանների պսակներում։ Քարի վրա ուլիթ կերպով փորագրված այդ օրնամենտալ պատկերում է թեք անկյան տակ միմյանց հենած նշաձև թերթիկներ, որոնց միջև առաջացած եռանկյունաձև հարթությունները պատած են նույն ձևի փորվածքով։ Այդ նույն մոտիվը՝ կոմպոզիցիոն այլ դասավորությամբ, կրկնվում է ձախակողմյան խոյողի վրա, որտեղ քանդակված է շրջագծի մեջ ամփոփված վեցթևանի մի վարդյակ։ Վարդյակի թերթերի ծայրերը միացված են միմյանց նույնպիսի նշաձև փորվածքով և նրանց միջև առաջացած հարթությունները մշակված են եռանկյունաձև ուլիթով։

Աջակողմյան խոյողը բավականաչափ ֆրասված է, սակայն զժվար չէ նկատել, որ նրա հարդարանքը չի կրկնում ձախակողմյան խոյողի հարդարանքի օրնամենտալ մոտիվները։ Այս խոյողի հարթության վրա ուլիթ կերպով գծագրված է երկու շրջագիծ։ Կարելի է ենթադրել, որ խոյողի մնացած հարթությունն ուղեցել են պատել արմավենու ոլորված ճյուղի մոտիվով, սակայն ինչ-որ պատճառով թերավարտ են թողել քանդակը։ Խոյողների միջև ընկած ուղղանկյուն մակերևույթը, որը սյան զլանաձև բնի շարունակություն է կադմում, ի տարբերություն Դվինի կաթողիկոսարանի և Արուճի երկրորդ խոյակների՝ բոլորովին զուրկ է հարդարանքից։

Սյունադարձ զահլիճի երկրորդ խոյակն իր չափերով, ձևերով ու հարդարանքով շատ ավելի հիշեցնում է Դվինի կաթողիկոսարանի խոյակը։ Սրա երկարությունը 2,20 մ է, բարձրությունը՝ 0,98 մ, իսկ հաստությունը՝ 0,75 մ։ Խոյողների տրամագիծը հավասար է 0,72 մ-ի, նրանց կենտրոնների մեջ եղած հեռավորությունը՝ 1,22 մ, իսկ սյան բնի տրամագիծը խոյակի տակին կազմում է 0,77 մ։ Այսպիսով՝ այս նոր խոյակը անհամեմատ ավելի մեծ է իր չափերով, քան Դվինի կաթողիկոսարանի խոյակը։

Խոյակի վերնասալի ճակատը 16 սմ բարձրություն և 2,20 մ երկարություն ունի և զարդարված է 7-րդ դարի համար շատ բնորոշ օրնամենտալ մի մոտիվով՝ խաղողի տերևի և ողկույթի միահյուսվածքի մոտիվով։ Քանդակը խիստ ավերված է։ Նկատելի է, որ շրջագծերի մեջ ամփոփված տերևների և ողկույթների թիվը 17 է։

Օրնամենտալ այս մոտիվը, որ հայկական արվեստում հանդիպում ենք նաև ավելի վաղ շրջանի հուշարձաններում, այստեղ իր նկարով և քանդակի բնույթով անհամեմատ ավելի մոտ է Զվարթնոցի համապատասխան օրնամենտին։

Խոյողների վրա, ինչպես Դվինի խոյակում, քանդակված են արմավենու ոլորված ճյուղեր։ Խոյողների միջև եղած մակերևույթը նույնպես հարդարված է արմավենու երկու ուղղաձիգ ճյուղերով, որոնց վերին ծայրերը համապատասխանորեն թեքված են ղեպի աջ և ձախ խոյողների կողմը։ Դվինի խոյակից տարբերությունն այն է, որ այստեղ երկու ճյուղերի միջև թողնված է որոշ հեռավորություն և այդ մասում, այսինքն՝ խոյակի կոմպոզիցիոն կենտրոնում, քանդակված է եռաստիճան պատվանդանի վրա կանգնեցրած մի խաչ։ Խաչի աջ և ձախ թևերը հասնում են մինչև արմավենու ճյուղերի ձողերին՝ իրենցով ծածկելով ճյուղերի մի մասը, իսկ վերին թևը երկու կողմից պսակվում է եռաստիճան օրնամենտալ մոտիվով։

Համապատասխան հարդարանքի են ենթարկված նաև վերնասալի անմիջապես ներ-

քեռում, խոյոգներին երկու կողմերում զանվող անկյունները: Դրաի կողմից այդ անկյուններում քանդակված են անկյունավոր ռելիեֆով զարդարված բարձիկներ: Որոնց վրա հենվում են վերնասալի կառուցված մասերը, իսկ ներսի կողմից՝ դրանք զարդարված են բավական զեղեցիկ օրնամենտով, որի կոմպոզիցիան, տեղին համապատասխան՝ լավ է նկարված:

Այսպիսով, Արուճի այս երկրորդ խոյակը իր ծավալային ձևերով հարգարժան մոտիֆներով ու հիմնական շափումներով թեև ամբողջովին վերարտադրում է Դվինի կաթողիկոսարանի խոյակը, սակայն չի հանդիսանում նրա պատճենը, նրա պատիվ կրկնողությունը:

Արուճի պալատի ճարտարապետը մոտ երկու հարյուր տարի հետո, հավանաբար պատվեր ստանալով կրկնել Դվինի կաթողիկոսարանի շենքը, հարկ է համարել նրա առանձին մանրամասներում մտցնել որոշ փոփոխություններ, կիրառելով օրնամենտալ այն մոտիֆները, որ ավելի համապատասխանում էին իր ժամանակաշրջանի զեղարվեստական հասկացողություններին:

Այս, ինչպես և նման մի շարք օրինակներ (ասենք՝ Զվարթնոցի ձևերի վերարտադրությունը Գաղիկ Բաղրատունու կառուցած եկեղեցում, Անիում ցուլց եր տալիս, որ միջնադարի հայ ճարտարապետները նման ղեպերում ցուլցարել են ստեղծագործական ինքնուրույնություն և նույնությամբ երբեք չեն կրկնել հին ձևերը:

Երկրորդ խոյակին՝ ընդհանրապես մշակված է արտահայտիչ և հետաքրքիր ձևերով, հյուսթեղ և լավ նկարված քանդակներով, որոնք օրգանապես բխում են խոյակի տարածական ձևերից, նպաստում նրանց հարստացմանը:

Արուճի սյունադարձ զահլիճի հիշատակված երկու խոյակներն էլ, ինչպես Դվինի կաթողիկոսարանի խոյակը, վերնասալի վրա ունեն երկայնական փոսեր՝ փայտի զերաններին համար:

Վերջացնելով խոյակների նկարագրությունը՝ անհրաժեշտ է ընդհանրապես մի քանի խոսք ասել այդ տիպի խոյակների տարածման մասին Հայաստանում: Մեր սախորդ աշխատություններում հետազոտելով Դվինի կաթողիկոսարանի խոյակի ձևերը, աշխատել էինք ցուլց տալ, որ այդ խոյակը ծագում է ժողովրդական բնակարաններում հանդիպող փայտի խոյակներից, որ սբանց քարե ձևերում մոնումենտալացված են փայտի խոյակները: Արուճի խոյակների հետազոտությամբ ավելի ևս հիմնավոր է թվում այդ տեսակետը:

Եթե մինչև Հայրենական պատերազմը գոյություն ունեւ այն կարծիքը, որ Դվինի կաթողիկոսարանի խոյակները իրենց ձևով եզակի երևույթ են հայ ճարտարապետության մեջ, ասլա վերջին տարիների հետազոտությունների արդյունքները անհրաժեշտ վարձրին վերանայել այդ կարծիքը: Հաջողվել է հայտարելել Դվինի խոյակի տիպի խոյակներ Հոփսի-սիմեի տաճարի հյուսիս-արևելյան խորանում, իսկ արմավենու ոլորահյուս տերևի մոտրվ՝ Երերույթի տաճարի հարավային որմնամույթերի խոյակի վրա, Զվարթնոցում և վերջապես Արուճի տաճարում՝ արևելյան պատի խորշերը պսակող կամարների կրկնում:


Դվինի—Արուճի խոյակների տիպը 5—7-րդ դարերում եղել է տարածված Հայաստանում: Երրահայտ նյութերը այդ կարծիքը առավել ևս անվիճելի են դարձնում, մանավանդ որ նշված տիպի խոյակները կիրառվել են զերազանցապես աշխարհիկ շենքերում: Որ աշխարհիկ շենքերն ունեցել են իրենց որոշակի ճարտարապետական ձևերն, հրեում է նաև այն փաստից, որ բացառությամբ Հոփսիմեի տաճարի, այս տիպի խոյակների կիրառությանը հանդիպում ենք մասնավորապես 5—7-րդ դարերի երեք աշխարհիկ շենքերում՝ Դվինի և Զվարթնոցի կաթողիկոսարաններում և Արուճի պալատում:

Ժողովրդական ճարտարապետության տրադիցիաների վերարտադրությունը վաղ միջնադարի մոնումենտալ աշխարհիկ ճարտարապետության մեջ արտահայտվել է ոչ միայն առանձին մանրամասներում, այլև ծածկի կոնստրուկտիվ ձևերի մեջ:

Դվինի կաթողիկոսարանի ճարտարապետության ուսումնասիրությանը նվիրված մեր նախորդ աշխատություններում, ելնելով նրա հատկազմային կոմպոզիցիայի վերլուծությունից և մի շարք այլ փաստերից, ենթադրել էինք, որ սյուների դասավորությամբ առաջացած յուրաքանչյուր քառակուսին սյունազարդ զահլիճում ծածկված էր փայտյա սողմաքաշ կամ հաղարաշեն կոշվող կոնստրուկտիվ սխտեմով: Արուճի սյունադարձ զահլիճի նորահայտ նյութերը հիմք են տալիս ոչ թե վերանայելու այդ կարծիքը, այլ, բնդհակառակը, ավելի համոզվելու նրա ճշտության մեջ: Սյուների այդպիսի դասավորությունը, որի շնորհիվ զահլիճի կենտրոնում կազմվում էին քառակուսիներ, Դվինի կաթողի-



Նկ. 4. Արուճ. Մեծ դահլիճի խոյակներից մեկը (շրջնվուց հետո):
(1952 թ. հոկտ.) ֆոտո Վ. Հարությունյանի)



Նկ. 5. Արուճ. Սյունադարդ դահլիճի մեծ խոյակը:
(ֆոտո Վ. Հարությունյանի)

կոթարանի սյունադարձ գահլիճում ոչ թե սլատահական է, ինչպես կարծում էին ոմանք, այլ հատկապես կապվում է ծածկի սխտեմի հետ:



Նկ. 6. Արուճ. Մեծ գահլիճի խոյակը

Արուճում պեղված աշխարհիկ շենքերի մնացորդների նախնական ուսումնասիրությունը թույլ է տալիս անելու հետևյալ եզրակացությունները:

1. Եկեղեցու հարավային և հարավ-արևելյան կողմում հայտաբերված աշխարհիկ շենքերի մնացորդները հանդիսանում են պատմական աղբյուրներում հիշատակված իշխան Գրիգոր Մամիկոնյանի պալատական շենքերի մնացորդները:

2. Պետք է ասացուցված համարել ինչպես եկեղեցու, այնպես էլ պալատի կառուցման ժամանակի (7-րդ դարի երկրորդ կես) վերաբերյալ պատմական վկայությունների ստույգ լինելը:

3. Արուճի սյունադարձ գահլիճով աշխարհիկ շենքը չնչին տարբերությամբ վերաբառադրում է Դվինի կաթողիկոսարանի հատակագծային կոմպոզիցիան, ճարտարապետական ու կոնստրուկտիվ ձևերն ու չափերը:

4. Այս հանգամանքը վկայում է, որ Հայաստանում 5—7-րդ դարերում մշակվել են ոչ միայն եկեղեցական, այլև աշխարհիկ շենքերի որոշակի տիպեր:

5. Հայաստանի ֆեոդալական ճարտարապետության կազմավորման պրոցեսում մոնումենտալ աշխարհիկ շենքերը հանդես են եկել եկեղեցականից տարբեր կոմպոզիցիոն և ճարտարապետական ձևերով, որպես հայկական ճարտարապետության միանգամայն ինքնուրույն մի ընդհանուր:

6. Ձևայած այն հանգամանքին, որ սոցիալական անհավասարության հողի վրա տեղի ունեցող խորը հակասություն ֆեոդալական Հայաստանի մի կողմից հոգևոր ու աշխարհիկ ֆեոդալներին պատկանող մոնումենտալ բնակարանների և մյուս կողմից ժողովրդական բնակարանների ճարտարապետության միջև, վերջինիս լավագույն տրադիցիաներն իրենց որոշակի ազդեցությունն են ունեցել տիրապետող դասակարգին պատկանող բնակարանային շենքերի ճարտարապետության վրա: